

ՀՐԱՊԱՐԱԿՈՒՄՆԵՐ

ԵՈՇԱՆ ԲԼԱՐԱՄԲԵՐԳԻ ՎԿԱՅՈՒԹԻՒՆՆԵՐԸ ՀԱՅ ԺՈՂՈՎՐԴԻ ՄԱՍԻՆ (1836-1841)

ԱՐԾՈՒԻ ԲԱՆԶԻՆԵԱՆ

artsvi@yahoo.com

Հոլանդական ծագումով գերմանացի, ռուսական բանակի հետեւագործի զորավար մի շարք կարեւոր ռազմական գործողութիւնների մասնակից Եոհան (Իան) Ֆէոդորի Բլարամբերգը (Ֆոն Բլարամբերգ, 1800, Մայնի Ֆրանկֆուրտ-1878, Ղրիմ) սերունդներին է ասանդել իր յիշողութիւնները որտեղ պատմում է դէպի Արեւելք կատարած իր ճամփորդութիւնների մասին (1836-1840, 1841-1855) եւ արժէքաւոր տեղեկութիւններ հաղորդում Ասիայում Ռուսաստանի վարած քաղաքականութեան, տեղի մի շարք ժողովուրդների մասին: Յուշերի իր գիրքը առաջին անգամ լոյս է տեսել 1872ին, Բեռլինում, գերմաներէն՝:

Նաեւ Հայաստանում ճանապարհորդած Բլարամբերգի գրքում միջանի տեղ յիշատակուած են մասնաւորապէս Ռուսաստանի եւ Իրանի հայերը: Հեղինակին գրաւել է հայ կանանց եւ երեխաների գեղեցկութիւնը, Արարատի հրաշափառութիւնը: Նա տուեալներ է հաղորդել նաեւ Իրանում հայ կանանց հետ ամուսնացած օտարազգի սպաների եւ այլ իրողութիւնների մասին: Ինչպէս ժամանակի շատ քրիստոնեայ ճանապարհորդներ՝ Բլարամբերգը եւս յաճախ գիշերել է հայերի տներում, եւ, սովոր լինելով ամէնուրեք հանդիպել հայերի, հարկ է համարել նշել, որ, օրինակ, Մաշհադում հայեր չեն ապրում...

Ատորեւ թարգմանաբար ներկայացնում ենք Եոհան Բլարամբերգի գրքի՝ հայ ժողովրդին եւ հայ իրականութեանը վերաբերող վկայութիւնները²:

Գլուխ Ա

1836 թուական

[Ասորախանի մի պարահանդէսի նկարագրութեան մէջ] Յստակօրէն գերիշխում էր հարաւային տիպը. 50 կամ 60 կանանց մէջ, որ հաւաքուել էին պարահանդէսին, տեսայ ընդամէնը մէկ հատիկ շիկահերի, բոլոր միւսները կրակոտ թխահերուիւններ էին՝ հրաշալի սեւ աչքերով, շքեղ մազերով եւ սադափէ ատամներով: Նրանց երակներով հոսում էր հայկական արիւն, քանի որ Աստորախանի բնակիչների մեծ մասը հայեր էին կամ ռուսների եւ հայերի խառնուրդներ (էջ 29):

Սեպտեմբերի 17ին՝ սրբուհի Սոֆիայի՝ զօրավարի տիկին Սոֆիա Տ.ի պահապան հրեշտակի օրը, վերջինիս ամուսինը կազմակերպել էր «զգեստատրուած պարահանդէս», որին հրաւիրուել էր աստրախանեան հասարակութեան սերուցքը: Զարդարուած գեղեցիկ հայուհիները հիանալի տեսք ունէին³, իսկ Նորայի զգեստը հագած երիտասարդ Կատերինա Տ.ն զմայլելի էր: Պարահանդէսը չափազանց աշխուժ էր: Հայկական եւ ռուսական պարերը փոխարինուեցին ֆրանսիական կադրիլներով⁴ (էջ 33):

Դեկտեմբերի 21ին մենք շարժուեցինք Թերեքի⁵ ծախ ափի երկայնքով՝ լայն, տեղ-տեղ թփուտներ աճած հարթավայրով, որտեղ յաճախ թաքնուում էին աւազակութիւն անող չեչէնները, որ կողոպտում էին ճանապարհորդներին եւ նոցանց գերեվարում լեռները:Ուշ երեկոյեան հասանք Մոզդուկ ամրոցը⁶ եւ երկար նեղութիւններից յետոյ օթեան գտանք մի հարուատ հայի մօտ, որը մեզ տեղաւորեց իր միակ, շատ ընդարձակ ննջարանում, քանի որ միայն այդ սենեակն էր տաքացում: Հայկական սովորութեամբ՝ մեզ համար յատակին փոեցին լայն ներքնակներ, եւ մենք դրանց վրայ քնեցինք առանց հանուելու: Յաջորդ օրն արթնանալով՝ տեսայ մի հաճելի ընտանեկան տեսարան. տանտիրոջ վեց երեխաները, 10ից 14 տարեկան, մեծ մասամբ՝ աղջիկներ, քնած էին այդ նոյն սենեակում, լայն ներքնակի վրայ, ծածկուած մէկ ծածկոցով: Արթնանալով՝ նրանք զարմանքով նայում էին օտար մարդկանց եւ այդ պահին նման էին ծիծեռնակի ծագերի, որոնք իրենց գլուխները դուրս են հանում բներից: Դրանք անուշիկ, գեղեցիկ գլուխներ էին. մեծ սեւ աչքեր, ուների վրայ թափուող ծիւթի պէս սեւ խոպոպներ, մաշկի գեղեցիկ երանգ եւ սադափէ ատամներ: Առհասարակ, հայերը մարդկանց գեղեցիկ տիպ ունեն, իսկ երիտասարդ աղջիկներն ու պատանիները պարզապէս հմայիչ են: Մենք շնորհակալութիւն յայտնեցինք սիրալիր տանտիրոջը հիւրընկալութեան համար, երեխաներին շաքար նուիրեցինք եւ ճամփայ ընկանք (էջ 35-36):

Մայիսի 8ին մեր բարեկամ ճարտարագէտ-գլխապետ Նիկոլայ Գորբաչեւսկիի անուանակոչութեան օրն էր: Նա զբօսախնջոյք կազմակերպեց Բալաբուր գեղատեսիլ հովտում, ամրոցից 7 կամ 8 վերստ⁷ հեռաւորութեան վրայ:Ճաշի ընդմիջումներին դիտում էինք մի հայի պատկանող ամերիկեան ծխախոտի, անգլիական բամբակի եւ շաքարեղէգի տնկարանները: Տէրը մեզ տանում էր ամէնուր եւ պատմում էր իր տնկարանների մասին (էջ 47):

[Աստրախանում] Ես եւ Ֆելիկսը տուն վարձեցինք մի հայի մօտ եւ յարմար տեղաւորուեցինք (էջ 82):

[Թիֆլիսում] Վիտկեիչը, Իանովսկին եւ ես գնեցինք նժոյգներ եւ վարձեցինք վեց ջորեպանների, որպէսզի [նրանց] հետ տանենք ուղեբեռը: Վերջապէս Իանովսկին իր մօտ ծառայ ընդունեց ծակամուտ⁸ հայ

Ատեփանոսին, որ սահուն խօսում էր վրացերէն, հայերէն եւ թաթարերէն⁹: Քնեցինք բաց երկնքի տակ, քանի որ գիշերը տաք էր եւ հրաշալի: Գնացինք Դիլիջանի գեղեցիկ հովտով եւ կիրճով, որտեղ նոյնպէս գիշերեցինք բացօթեայ, աղբիւրի մօտ: Ամսի Ցին հասանք Պիպիս¹⁰, եւ քանի որ անտանելի շոգ էր, ճանապարհ ընկանք միայն երեկոյեան: Նորից գնում էինք գեղատեսիլ լեռնային տեղանքով, Ակստաֆա¹¹ լեռնային գետի ուղղութեամբ, շեղուեցինք մեծ ճանապարհից՝ անելի կարճ ճանապարհով լեռներ հասնելու համար, եւ Յուլիսի 10ին գիշերեցինք Էշէկ-Մայդանի¹² (Աանակի հրապարակ) քոչուորների մօտ (էջ 87-88):

Ամսի 11ին հատեցինք Էրիանի Նահանգի սահմանը եւ կիգիչ շոգի պատճառով դադար առանք քանդուած մզկիթում: Այստեղ մենք առաջին անգամ հիացանք փառահեղ Արարատի հրաշալի տեսարանով, որի կրկնակի գագաթը, պատուած կուրացնող ծիւնով, հարատւած բարձրանում էր հարթավայրի վրայ: Ամսի 13ին դժուարութեամբ անցանք վերջին լեռնաշղթայի վրայով եւ իջանք Արաքսի հովիտը: Օրը հրաշալի էր, երկինքն՝ անամպ: Տեղաորութեան քջքացող առօրի մօտ գտնուող ծառերի տակ ու կրկին զմայլութեանք Արարատի տեսքով, որն իր ողջ վեհութեամբ կախուած էր մեզ վրայ: Մեր հայը պատրաստեց հիանալի փլաւ, եւ մենք, գտնուելով ուրախ հոգեվիճակում, դատարկեցինք մադերայի շիշը: Երեկոյեան ճամփայ ընկանք եւ ամսի 17ի լուսաբացին հասանք Նախիջեան, որտեղ, ըստ ասանդութեան, Նոյը տնկել էր առաջին խաղողի վազը¹³ (էջ 88):

...Երեկոյեան ժամը 5ին վերջապէս հասանք Ջուլֆայի մաքրանոցը, սահմանային Արաքս Գետի ծախ ափին:Կէս ժամ հանգստանալով՝ մենք անցանք իր անցեալով եւ ներկայով յայտնի գետի վրայով, որը չի հանդուրժում կամուրջներ¹⁴, եւ յայտնութեանք պարսկական տարածքում, Ադրբեջան Նահանգում¹⁵ (էջ 89):

Թեհրանի ծայրամասեր կատարած մեր մի ուղեւորութեան ժամանակ կոմսն ինձ ցոյց տուեց մի տեղ քաղաքի խանդակի մօտ, Ղազուինի դարպասներից ոչ հեռու, որտեղ թաղուել էին 37 ռուսների մարմինները, որոնք զոհուել էին մեր դեսպանորդ Գրիբոյեդովի¹⁶ սպանութեան ժամանակ, Թեհրանում, 1829ին: Երբ 1834ին կոմս Սիմոնիչը եկել է Թեհրան, նրանց աճիւններն իր աջակցութեամբ մուգ գիշերով դուրս են հանուել եւ տեղափոխուել հայկական եկեղեցի, որտեղ երկրորդ անգամ թաղուել են օրինուած հողում (էջ 99):

Ճամփորդական խմբի համար ունէի չորս ձի.... Ինձ հետ գնում էին ռուս սպասաւորը, որը նաեւ լուացարարն էր, հարկ եղած դէպքում՝ նաեւ խոհարարը, հայ ծառան (էջ 107):

[Մեշէդում] Եղանք հրէական տանը եւ հրէական բաղնիքում, անցանք մուգ միջանցքներով, որոնք մասամբ կազմում էին նեղ փողոցներ... Մեզ ասացին, որ Մեշէդում հայեր չկան (էջ 144):

Վերոյիշեալ գումարտակը, կազմուած մօտ 500 հոգուց, որի կէսը լեւեր էին, ղեկավարում էր ոմն Սամսոն-խան:նա դասալիք էր դարձել 1807ի կոմս Գուդովիչի¹⁷ կողմից էրիւանի պաշարման ժամանակ եւ անցել ծառայութեան՝ պարսիկների մօտ:[Գումարտակից] Շատերն ամուսնացան հայուհիների եւ նետտորականուհիների հետ¹⁸, կազմեցին ընտանիքներ, սակայն նրանցից ոչ մէկը չփոխեց հաւատը (էջ 150):

[Կապիտան Ալբրանդը¹⁹]բաժանեց գումարտակը վաշտերի եւ ջուկատների, որի ղեկավար դարձան այն նոյն սպաները, ֆելդֆեբելները²⁰ եւ ենթասպաները, որոնք նախկինում մնացել էին պարսկական ծառայութեան մէջ:Կապիտան Ալբրանդը պայմանագրեր կնքեց միջանի հայերի հետ, որոնք պէտք է գումարտակին հետեւէին որպէս մատակարարներ եւ ամէն օր նրան մատակարարէին ոչխարի միս, հաց, բրինձ եւ օղի:Եւ երբ ամէն ինչ պատրաստ էր ցուցադրուելու, ռուս մինիստրն իր առաքելութեամբ եկաւ վերոյիշեալ քարուանսարայը.... Այստեղ արդէն գտնուում էր հայ ուղղափառ հոգեւորականն իր օգնականներով: Երգեցին «Առ Տէր»ը, յետոյ գումարտակի առջեւ կարճ ճառ արտասանեց գնդապետ Դիւզամէլը²¹ (էջ 151-152):

Գլուխ Դ

1839 թուական

Գորունը մօտենում էր, եւ ռուս նախարարը որոշեց կապիտան Լեմմի հետ ուղարկել Խորասանի նահանգապետի համար (այն ժամանակ Ասիֆ օդ-Դոուլէն էր) պատրաստած նուէրները:Լեմմին ուղեկցեց հայ ծառան, որը կարողանում էր խօսել թիւրքերէն (թաթարերէն): (էջ 155):

[Լեմմեհրէմի բացառութիւնների մասին] Սակայն կան բացառութիւններ՝ 1) չպէտք է դէմքը թաքցնել գեղեցիկ երիտասարդից, քանի դեռ նրա մօրուքը չի աճել, 2) արտօնութիւններից օգտուում եւ որպէս մեհրէմ են դիտում երիտասարդ ամուսինները, հայերը, հրեաները, յատկապէս երաժիշտները.... (էջ 178):

Գլուխ Ե

1840 թուական

Մարտի 12ին հեռացանք Գէօզից: Լայն ճանապարհը Սպահանից ձգում էր գրեթէ մինչեւ հին քաղաքի սահմանը, աղուտային հարթավայրով: Ծանապարհի կէսին մեզ սպասում էր պատուարժան հայր Ջովաննին, կաթոլիկ հայ հոգեւորական²² միսիոնէրը, որը հոգիների հովիւ էր Ջուլֆայի փոքր կաթոլիկ համայնքում եւ իր հիւրասիրութեամբ ճանաչուած էր բոլոր արտասահմանցիների շրջանում (էջ 187):

Ջուլֆան հայկական գաղութ է, որն Աբբաս Մեծը տեղափոխել է այստեղ Արաքսի ձախ ափից: Նա ցանկացել է իր եւ թուրքական շրջանների միջեւ անապատ թողնել եւ այդ պատճառով էլ աներել է

հայկական հարուստ Ջուլֆա քաղաքը, իսկ ողջ մնացած բնակիչներին (մօտ 30 հազար հոգու) գաղթեցրեց, ինչպես պատմում են, Ջայէնդերուդի աջ ափ, որտեղ նրանք կառուցել են մի նոր քաղաք հին անունով: Շուտով այստեղի հայերն իրենց արհեստների և Հնդկաստանի հետ ունեցած առևտրի շնորհիւ հարստացան, և Աբբասը նրանց մեծ արտօնութիւններ շնորհեց: Այդ ժամանակ Հնդկաստանից բոլոր ապրանքները Ղանդահարի, Սպահանի, Բաղդադի ճանապարհով ուղարկում էին Ջմիտնիա և Կոստանդնուպոլիս, իսկ Պարսկաստանի մայրաքաղաքը եղել է այդ վիթխարի առևտրի գլխաւոր կենտրոնը: Ջուլֆայում ապրել են Պորտուգալիայի, Հոլանդիայի և այլ երկրների հիւպատոսները: Նրանք իրենց համար կառուցել են շքեղ տներ՝ ջրաազաններով, այգիներով և զարդարել արեւելեան ճոխութեամբ: Ջուլֆայի փողոցների երկու կողմերում ծառեր են տնկուել: Դրանց երկարութեամբ գցուել են ջրանցքներ թարմ, մաքուր ջրով (էջ 187):

...Մարտի 13ին, այսինքն՝ Ջուլֆա հասնելուց յետոյ, կայսերական առաքելութեան անդամներից իւրաքանչիւրն իր համար փնտոեց մասնաւոր բնակարան, որը կարելի է հեշտօրէն վարձել հայերից: Ես տեղաւորուեցի մինիստրի վերոյիշեալ տնից ոչ հեռու, մի կաթոլիկ հայի մօտ... և զբաղեցրի վերին, անելի ընդարձակ սենեակը, պատշգամբով և գրասենեակով, որտեղ յարմարաւէտ տեղաւորուեցի (էջ 188):

Մարտի 14ին տօնական հագուստներով այցելեցինք շահին և առաջին մինիստրին... Այնուհետեւ եղայ մաքուր հայկական բաղնիքում, որտեղ վրայիցս լուացի տասնչորսօրեայ ճանապարհի փոշին, ինչպէս նաեւ ինձ մերսել տուեցի պարսկական եղանակով (էջ 188):

Կիրակի օրը, Մարտի 17ին, մեզ պատասխան այց կատարեց առաջին մինիստր Միրզա Հաջի-Աղասին²³: Մեզ այցելեց նաեւ Մանուչար խանը²⁴ Սպահանի նահանգի և քաղաքի այն ժամանակուայ նահանգապետը: Ծագումով հայ՝ նա երիտասարդ տարիներին գերի է եղել Վրաստանում և ամորձատուել է, բայց յետագայում բարձրացել է մինչեւ խանի աստիճանի: Մանուչար խանն օժտուած էր մեծ խելքով և եռանդով: Նրանից վախենում և յարգում էին նրա բոլոր ստորադասները և ժողովուրդը: Նրա առջեւ յատկապէս դողում էին Սպահանի «լուսերը»՝ մի տեսակ ստահակները (էջ 190):

Այդ այցից յետոյ գնդապետ Դիւզամէլը կնոջ հետ գնաց ժամերգութեան, որն իր հայկական եկեղեցում մատուցում էր հայր Ջովաննին: Եկեղեցին դատարկ էր, քանի որ հայերը յաճախում էին միայն առաւօտեան ժամերգութեան: Վերադարձի ճանապարհին անցանք Ջուլֆայի փողոցներով: Դռներից նայում էին կանայք և աղջիկներ, որոնք հետաքրքրութեամբ նայում էին ֆերիեզներին²⁵ և յատկապէս խանումին (մինիստրի կնոջը): Հայերը գեղեցիկ ժողովուրդ են, և նրանց կանայք ու աղջիկները Արեւելքում փառաբանուած են իրենց գեղեցկութեամբ:

Բնութիւնը նրանց օժտել է դէմքի թարմ գոյնով, սեւ, կրքոտ նշաձեւ աչքերով, հրաշալի ճերմակ ատամներով, փարթամ սեւ մազերով: Միայն նրանց քթերը մի փոքր մեծոտ են: Ընդ որում, կանայք մեր աչքին անճոռնի են երեւում՝ դէմքի ստորին մասը մինչեւ քթի ծայրը սպիտակ բամբակեայ կտորով ծածկելու տգեղ սովորոյթի պատճառով, այնպէս որ չեն երեւում ո՛չ դունչը, ո՛չ բերանը, ո՛չ ատամները. իրենց ասանդոյթով այլ կերպ վարուելն անպատշաճ է: Նրանք ստեղծուած են ամբողջովին տան եւ ընտանիքի համար, խիստ չափատր են ուտելու մէջ, եւ նրանց պահելը բաւական էժան է նստում: Դրա հետ մէկտեղ, նրանք սիրում են, ինչպէս Եայի բոլոր դուստրերը, գեղեցիկ մետաքսեայ հագուստներ ու զարդեր եւ շատ հպարտանում են հարուստ հանդերձներով (էջ 190):

Քանի որ մեր ընդհանուր ընկեր զօրավար Սեմինսոն²⁶ այրի էր եւ ապրում էր մէնակ, նա օգտուեց պարսկական սովորոյթից եւ Ջուֆայում ժամանակատրապէս կնութեան առաւ մի երիտասարդ հայուհու: Այդ սովորոյթն այստեղ պատշաճ է համարում, քանի որ ուխտատրները, որոնք ուխտագնացութիւն են կատարում, օրինակ, Մեշիէդ, այստեղ ամուսնանում են չորս շաբաթով, երկու շաբաթով, ութ օրով եւ անգամ՝ մէկ օրով: Այդ սովորոյթը, որ կոչւում է սիգէ-խան, լայնօրէն տարածուած է Պարսկաստանում եւ Դաղստանում: Միայն թէ ժամանակատր կապի համար հայկական ասանդոյթով պարտադիր է ամուսնութեան արարողութիւնը: Հրափրում է հոգեւորականը, նա աղօթք է անում, այնուհետեւ երիտասարդ զոյգին տալիս է մի գաւաթ գինի, որը նրանք պիտի միասին դատարկեն, եւ գործն աւարտում է (էջ 192-193):

Պարսկական ծառայութեան մէջ գտնուող անգլիացի սպաները եւ միւս արտասահմանցիները.... Պարսկաստան հասնելուց յետոյ շուտով կապի մէջ են մտնում հայուհիների կամ նեստորականուհիների հետ, որպէսզի չապրեն մէնութեան մէջ եւ անելի արագ սովորեն երկրի լեզուն: Կասկածի ենթակայ չէ, որ դրա համար լաւագոյն ուսուցիչը գեղեցիկ աղջիկը կամ երիտասարդ կինն է, որն ամէն օր գտնում է ձեր կողքին: Ժիշտ է, եւրոպացիների հասկացողութեամբ այդպիսի կապը համարում է անբարոյական.... Արեւելքում դրա վրայ ամէնից քիչ ուշադրութիւն են դարձնում, քանի որ այնտեղ ոչ ոք ամուրի կեանք չի վարում.... Պարսկաստանում չես հանդիպի քսան տարեկանից բարձր հարսնացու մնացած աղջիկ, եթէ, իհարկէ, նա այլանդակ չէ: Նման աղջիկները, քնականաբար, կրթութիւն չունեն: Նրանք պարզապէս քնութեան զաւակներ են, մի փոքր միամիտ: Փոխարէնը նրանք ծաղկուն տեսք ունեն, շատ համեստ են, նուրբ, օժտուած են ուրախ քնոյթով եւ մեծ կապուածութիւն ու հաւատարմութիւն են ցուցաբերում իրենց պաշտպանների հանդէպ (էջ 193):

Յուլիսի 10ին փոստային (կառքով) մեկնեցի Ջուֆայից եւ նոյն օրն էլ հասայ Նախիջեւան, որը կիսաքանդ էր՝ այստեղ միքանի օր տեղի

ունեցած ուժեղ երկրաշարժից, որի հետքերը տեսանելի էին մինչև Թաւրիզ: Աւերածութիւնները, որ հասցրել էր երկրաշարժը Արաքսի ձախ ափին, սարսափելի էին: Փոստային ճանապարհի երկարութեամբ ձգուող գրեթէ բոլոր գիւղական տներն անբրոած էին կամ ճաքեր տուած: Վեհաշուք Արարատի գագաթից ոչ-հեռու տեղի էր ունեցել հրէշատր լեռնային փլուզում: Ներքեւ գահաւիժած ձեան զանգուածը հալուել է արեւի տակ՝ վերածուելով կատաղի հոսանքների: Ջրասույզ է եղել եւ երկրի երեսից ջնջուել միջանի հարիւր տուն ունեցող հայկական մի գիւղ²⁷: Ձեան հոսքը ծածկել է բնակիչներին, տները եւ այգիները: Ոչ ոք չի փրկուել, քանի որ դժբախտութիւնը վրայ է հասել յանկարծակի: Նախիջեանի ոստիկանապետը, որն ինձ այցելեց, սարսափելի մանրամասներ պատմեց աղէտի մասին (էջ 195):

Յուլիսի 11ին, լաւ եղանակով գնացի երկրաշարժից ամբողջովին անբրոած փոստակայանները: Հարկադրուեցի գիշերել բացօթեայ, քանի որ բոլոր փոստակայաններն անբրոած էին: Արաքսի հովտով իմ երէկոայ ուղեւորութեան ժամանակ աչքիս առաջ մշտապէս վեհաշուք Արարատն էր իր երկու ձիւնէ գագաթներով, եւ ես հիանում էի այդ լեռնային աժադակի տեսարանով: Քանի՜ հազարամեակ է անցել եւ քանի՜ սերունդ է փոխուել այն ժամանակներից, երբ, համաձայն առասպելի, Նոյը տնկել է առաջին խաղողի վազը այս կողմերում (էջ 195):

Յուլիսի 12ին, ուշ երեկոյեան, տանջահար հասայ Արդաշար²⁸ փոստակայանը, որն առաջինն էր փրկուել երկրաշարժից յետոյ: Յուլիսի 13ին ուղեւորուեցի բազմաթիւ ծորակներով կտրտուած եւ հիանալի ոռոգման համակարգով օժտուած լաւ մշակուած տեղանքով եւ ժամը 9ին հասայ իին Էրիւան: Մնացի կովկասեան գինակից, պարէտ իշխան Սումբատովի մօտ, որն ապրում էր Էրիւանի սարդարի նախկին հրաշալի պալատում: Իշխանի մօտ ճաշից յետոյ ուղեւորուեցի Էջմիածնի նշանատր վանքը, որն այնքան յաճախ են նկարագրում ճանապարհորդները, եւ յետոյ ուղեւորուեցի Թիֆլիս, ոչ թէ ձիով, այլ փոստայինով (այսինքն կառքով – Ա.Բ.): Սպահանից Էրիւան ձիով անցել էի անելի քան 1200 վերստ: [Երեւան-Թիֆլիս] ճանապարհն անցնում էր Ախտիով²⁹, Գոքչա Լճի³⁰ կողքով: Այստեղ իմ բարեկամ ճարտարագէտ-գնդապետ Միշէլ Էսպէժօն³¹ ժայռերի վրայ, ջրին շատ մօտ կառուցել է մի հրաշալի խճուղի, որից սքանչելի տեսարան է բացում ուղիղ լճի եւ մօտակայ լեռների վրայ: Գոքչա Լճից, որը կոչւում է նաեւ Սեւան, ճանապարհը հիւսիս Չուբուքլիով³², Դիլիջանի *ռոմանտիկ* հովիտով անցնում էր դէպի Թիֆլիս (էջ 195-196):

Գլուխ 2
1841 թուական

(Բլարամբերգը 15 տարի՝ 1841-1856, բնակուել է Ռուսաստանի Օրենբուրգի մարզում, որի հայ բնակիչների մասին եւս թոուցիկ յիշատակել է իր յուշագրքում – Ա.Բ.):

Այս տափաստանային տարածութեան մէջտեղում ծգում են աազարլուրներ, որոնք կոչում են Ռին-պեսկի³³: Նախկինում այստեղ ապրում էր հանգուցեալ խան Ջանգիր-Բուկէլը³⁴, իսկ հիմա՝ ներկայ վարչակազմը: Այստեղ կայ ընդամէնը 50 տուն, որոնցում ապրում են ռուսներ եւ հայ վաճառականներ, որոնք մանր առետրով են զբաղուած դողըզների հետ (էջ 215):

ԾԱՆՕԹԱԳՐՈՒԹԻՒՆՆԵՐ

¹ *Erinnerungen aus dem Leben des Kaiserlich Russischen General-Lieutenant Johann von Blaramberg* (Յիշողութիւններ կայսերական Ռուսաստանի զօրահրամանատար Եոհան Ֆոն Բլարամբերգի կեանքից), Պերլին, 1872:

² Թարգմանութիւնը կատարուած է Բլարամբերգի գրքի ռուսերէն համառօտ թարգմանութիւնից՝ Иоганн Бларамберг, *Воспоминания* (Յիշողութիւններ), գերմաներէնից թարգմ.՝ Օ.Ի. Ժիգալինա եւ Է.Ֆ. Շմիդտ, Մոսկուա, Արեւելեան Գրականութեան Գիտատր համագրութիւն, 1978: Մէջերումներն այս հատորից են:

³ Բլարամբերգից առաջ Աստրախանի հայուիիների գեղեցկութեան մասին յիշատակել եւ հայկական պարեր է նկարագրել մէկ այլ ռուս պաշտօնեայ՝ Ն. Նեֆեդьев, 1820ականների վերջին՝ իր տպագրած թղթակցութեան մէջ (Н. Нефедьев, “Армянская Свадьба (Письмо к гр-ну Д-ну, из Астрахани от 14 апр. 1827 г.”) [Հայկական հարսանիք (նամակ քաղաքացի Դ-ին Աստրախանից, 14 Ապրիլ, 1827), *Вестник Европы* (Եւրոպայի լրագրեր)], 1828, թիւ 3, էջ 307-14, (К. Н. Григорьян, *Армения в Русской Литературе и Живописи XVIII-первая Половина XIX Века* [Հայաստանը ռուս գրկանութեան մէջ եւ կերպարուեստում, ԺԸ-ԺԹ. դարի առաջին կէս], Երեւան, Հայկական ԽՍՀ ԳԱ Հրատ., 1962, էջ 56-57):

⁴ Բլարամբերգի 1830ականների այս վկայութիւնը, թէ՛ պարահանդէսին կատարուել են նաեւ հայկական պարեր, խիստ ուշագրաւ է, քանի որ հայկական պարերը քաղաքային (մանաւանդ հայ միջավայրից հեռու) միջավայրում, այն է՝ գաղթավայրում, խիստ հազուադէպ էին:

⁵ Գետ Հիւսիսային Կովկասում:

⁶ Քաղաք Թերեք գետի ափին, այժմ՝ Ռուսաստանի Դաշնութեան Հիւսիսային Օսիայի Հանրապետութիւն, Ալանիայի Մոզդուկի շրջանի վարչական կենտրոնը:

⁷ Երկարութեան ռուսական հին չափ, հաասար է 1,06 կմ.ի:

⁸ Այսինքն՝ ամբլորդ հետաքրքրութիւն ունեցող:

⁹ Մկատի ունի Կովկասի թուրքերէնը:

¹⁰ Գիւղ Ելիզաւետպոլի նահանգի Ղազախի գաւառում, այժմ՝ Բերքաբեր, ՀՀ Տաւուշի մարզում:

¹¹ Աղստեւ:

¹² Լեռ Փոքր Կովկաս լեռնահամակարգում, Փամբակի լեռնաշղթայում:

- ¹³ Այս աւանդութեան վերջին վկայողը ծնունդով Նախիջեանի Ազնաբերդ գիւղից ազգագրագէտ Արտակ Վարդանեանն է, որի գրառած աւանդագրոյցի համաձայն, Ազնաբերդի արեւմտեան բլուրներից հարեան գիւղը տանող ճանապարհին գտնուող հինատուց արփիւրը կառուցել է Նոյի աագ որդի Սէմը, եւ այս արփիւրի ջրով էլ Նոյը ջրել է իր տնկած որթատունկերն ու աճեցրել առաջին խաղողի այգին (Արտակ Վարդանեան, «Հաստատում են Նաեւ Աւանդագրոյցները», Հայաստանի Հանրապետութիւն, 5 Սեպտեմբեր 2014):
- ¹⁴ «Կամուրջներ չհանդուրժող Արաքս» (pontem indignatus Araxes) արտայայտութիւնը պատկանում է հռոմէացի քանաստեղծ Վերգիլիոսին (Ք.ա. 74–19):
- ¹⁵ Նկատի ունի Իրանի հիւսիսային մասը:
- ¹⁶ Ալեքսանդր Գրիբոյէտով (1795, Մոսկուա–1829, Թեհրան), ռուս թատերագիր, քանաստեղծ, դիւանագէտ:
- ¹⁷ Իւան Գուդովիչ (1741–1820), ռուս ռազմական գործիչ, կոմս:
- ¹⁸ Նկատի ունի ասորիներին:
- ¹⁹ Լւեւ Ալթրանդ (1804–49), ռուս զօրավար, 1817–64՝ կովկասեան պատերազմի գործիչ:
- ²⁰ Գերմաներէն՝ Feldwebel. ռազմական կոչում Ռուսաստանի զինուած ուժերում (մինչեւ 1917ը) եւ եւրոպական միջանի երկրներում:
- ²¹ Ալեքսանդր Դիւզամէլ (1801–80), ռուս զօրավար:
- ²² Ինքնութիւնն անյայտ է:
- ²³ Միրզա Հաջի-Աղասի (1783–1848), Իրանի վարչապետ (վեզիր):
- ²⁴ Մանուգար խան Մոթամէդօղլուլի, Մամիկոնեան-Ենիկոյաբեան տոհմից:
- ²⁵ Այսինքն՝ ֆրանկ, եւրոպացի:
- ²⁶ Բարթելմի Սեմինօ (1797–1852), ֆրանսիացի զօրավար (իօր կողմից սարդինացի), ճարտարագէտ եւ լեզուաբան, ծառայել է ղաջարների մօտ Պարսկաստանում:
- ²⁷ Մեծ Մասիսի շրջանում տեղի ունեցած 2 Յուլիս 1840ի երկրաշարժի հետեւանքով Ակոռի գիւղը թաղուել է ժայռաբեկորների հաստ շերտի տակ:
- ²⁸ Կամ՝ Արտաշար, գիւղ Երեւանի Նահանգի Էջմիածնի գաւառում:
- ²⁹ Հաւանաբար նկատի ունի Ախտան՝ Հրազդանը:
- ³⁰ Սեանայ լիճը:
- ³¹ Տուեալներ չգտանք Հայաստանում դեռեւս ԺԺ. դարում ճանապարհաշինութեամբ զբաղուած այդ ֆրանսիացի ճարտարագէտի մասին:
- ³² Կամ՝ Զիբուլսու, գիւղ Սեանի ափին, այժմ՝ Ծովագիւղ:
- ³³ Կոչուել է նաեւ Նառըն-Պեկի կամ Նառըն, անապատային տարածութիւն անդրկասպեան ցածրավայրերում:
- ³⁴ Զանգիր-խան Բուկէւ, Բուկէւեան խանութեան (այսպէս կոչուած՝ Ներքին Հորդա) խանը 1823ից:

JOHANN BLARAMBERG'S ACCOUNTS OF THE ARMENIANS (1836-1841)
(Summary)

ARTSVI BAKHCHINYAN
artsvi@yahoo.com

The Russian lieutenant general Johann Von Blaramberg (Ivan Fedorovich Blaramberg, 1800-1878), a German of Dutch origin, traveled to southern Russia, Persia and Central Asia between 1836 and 1840 as well as between 1841 and 1855. His travels took him to parts of Eastern Armenia, which were then part of the Russian Empire. During his travels Blaremborg encountered Armenians in various cities of Russia (Orenburg, Astrakhan, Mozdok, etc.) and Persia (Julfa). In his memoirs, Blaremborg expresses his views on the beauty of Armenian women and children, the miraculous view of Mount Ararat, and notes that a number of foreign officers had married Armenian women in Persia. Like many Christian travelers, Blaramberg slept in Armenian homes, feeling more secure there than elsewhere.

The paper is a translation of all the passages of Blaremborg's memoirs which touch upon Armenians as well as Armenian-related issues.